



Broj: 05.04-7593/26
Sarajevo, 19.03.2026. godine

Skupština Kantona Sarajevo

- Ovdje -

n/r Elvedin Okerić, predsjedavajući

P R E D M E T: Dostava odgovora na zastupničku inicijativu

Zastupnik Faruk Selmanović, u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj :41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), na 29. radnoj sjednici Skupštine Kantona Sarajevo, održanoj dana 06.03.2026. godine, u okviru tačke Dnevnog reda „Poslanička/zastupnička pitanja, inicijative i odgovori“, uputio je sljedeću zastupničku inicijativu:

I N I C I J A T I V A:

Na osnovu člana 213. Poslovnika Skupštine Kantona Sarajevo, upućujem inicijativu prema Ministarstvu komunalne privrede, infrastrukture, prostornog uređenja, građanja i zaštite okoliša Kantona Sarajevo, da u roku od 30 dana pokrene program zamjene individualnih ložišta (peći na ugalj, drvo i druga čvrsta goriva) sa toplotnim pumpama i/ili drugim ekološki prihvatljivim sistemima grijanja, uz projekat sufinansiranja od strane Kantona Sarajevo, s ciljem unapređenja kvaliteta zraka u Kantonu Sarajevo.

O D G O V O R:

Realizacija aktivnosti iz zastupničke inicijative su u toku, u okviru implementacije projekta „Unapređenje kvaliteta zraka“ za koji je Skupština Kantona Sarajevo na sjednici održanoj 15.10.2025. godine donijela Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) u ukupnom iznosu od 22,7 miliona EUR-a. Podugovor o kreditu između Federacije Bosne i Hercegovine i Kantona Sarajevo je potpisan 03.02.2026. godine. Ministarstvo komunalne privrede, infrastrukture, prostornog uređenja, građanja i zaštite okoliša Kantona Sarajevo je nadležno za implementaciju komponenti koje se odnose na: jačanje praćenja i upravljanja kvalitetom zraka, podršku unapređenju grijanja i energijske efikasnosti u individualnim objektima, te djelimično za zelenu urbanu mobilnosti i podršku tranziciji, transportnog sektora prema niskim emisijama.

Komponenta 2 vezana za unapređenje grijanja i energijske efikasnosti u individualnim objektima je ključna u cijelom projektu, a investirati će se cca 12 miliona EUR-a, od 13,5 miliona EUR-a iz nadležnosti ovog Ministarstva, dok je ostatak u nadležnosti Ministarstva saobraćaja Kantona Sarajevo. Stručna podloga za planirane mjere je Strategija ograničenja korištenja uglja i ostalog čvrstog goriva u

Kantonu Sarajevo za period 2023-2033 godina, koju je Skupština Kantona Sarajevo usvojila u maju 2024. godine.

U sklopu pripremnih aktivnosti za kreditno zaduženje, sačinjen je Priručnik o dodjeli bespovratnih sredstava od strane Jedinice za upravljanje projektom u Federalnom ministarstvu okoliša i turizma uz aktivno učešće predstavnika Kantonalnog ministarstva. U fazi je usaglašavanje Grant priručnika, nakon čega će isti biti objavljen na web stranici Ministarstva. Uglavnom, svi prijedlozi i zastupničke inicijative se tretiraju u pomenutom dokumentu.

Procijenjeno je da će kreditnim sredstvima biti obuhvaćeno oko 4500 objekata. Subvencioniranje će biti u maksimalnom iznosu do 50% investicije za zamjenu neefikasnih sistema grijanja u domaćinstvima instaliranjem čistijih tehnologija peći/kotlova na pelet, toplotne pumpe, kondenzacijske kotlove na prirodni gas, termoizolaciju vanjskih zidova, krova i zamjene vanjske stolarije.

Predviđeno je u istom procentu i subvencioniranje mjera u zgradama kolektivnog stanovanja koje uključuju samo zamjenu sistema grijanja i vanjske stolarije (prozori i vrata) u zgradama koje nisu u sistemu centralnog grijanja. Prvi put su uključeni i nelegalni objekti s tim da se neće provoditi građevinske mjere niti će se moći priključiti na prirodni gas. Moći će se mijenjati samo sistemi grijanja, što će dodatno doprinijeti smanjenju zagađenja zraka, jer nelegalni objekti uglavnom koriste čvrsta goriva za zagrijavanje tokom kojeg se emituju lebdeće čestice PM₁₀ i PM_{2.5}.

Prije raspisivanja Javnog poziva za korisnike, potrebno je provesti pozive za proizvođače i distributere certificiranih peći/kotlova na pelet, kondenzacijskih kotlova na prirodni gas i certificiranih toplotnih pumpi, kao i izvođača radova.

Pretpostavka za intenzivniji rad je, angažovanje vanjskih konsultanata za energijsku efikasnost iz kreditnih sredstava, budući da Ministarstvo ne raspolaže potrebnim kadrovskim kapacitetima. I ovaj proces je u toku, tako da je planirano da se u 2026. godini realizuju radovi na odabranim objektima. Podugovorom o kreditu je utvrđeno, da će implementacija projekta trajati do kraja juna 2029. godine, a postoji mogućnost produženja roka.

Uz finansiranje iz kreditnih sredstava treba napomenuti, da ovo Ministarstvo svake godine u saradnji sa općinama provodi i Program povećanja energijske efikasnosti u objektima individualnog i kolektivnog stanovanja iz namjenskih i budžetskih sredstava.

S poštovanjem,

Pripremio: Amer Be [REDACTED] ik za obradu podataka, modeliranje i prognoziranje kvaliteta zraka i klimatske promjene



Dostaviti:

- Naslovu
- Stručnoj službi Vlade Kantona Sarajevo
- Službi za skupštinske poslove Kantona Sarajevo
- Evidenciji
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba